



Sud Bosne i Hercegovine

Суд Босне и Херцеговине

Broj: Su-08-22/21

Datum: 24.02.2021. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine („Službeni glasnik BiH“, broj: 82/05, 60/11 i 25/17) na preporuku Stalne komisije za javne nabavke Suda BiH broj: Su-08-21/21 od 24.02.2021. godine u postupku javne nabavke usluge održavanje biro i računarske opreme za LOT 3 - Održavanje računarske opreme i rezervni dijelovi – 50312000-5, donosim,

ODLUKU

o izboru najpovoljnijeg ponuđača za nabavku usluge održavanje biro i računarske opreme za
LOT 3 - Održavanje računarske opreme i rezervni dijelovi

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-21/21 od 24.02.2021. godine te se Ugovor za javnu nabavku usluge održavanja biro i računarske opreme za **LOT 3 - održavanje računarske opreme i rezervni dijelovi** - oznaka i naziv iz JRJN: 50312000-5 (održavanje i popravak računarske opreme), dodjeljuje ponuđaču **“KODEKS“** d.o.o. Sarajevo, sa sjedištem na adresi Antuna Hangija 17, sa ponudom broj: 121/21 od 17.02.2021. godine i nakon sprovedene e-aukcije za ponudenu cijenu u iznosu od **6.650,00 KM** bez PDV-a.

član 2.

Ugovor o nabavci dostaviti će se na potpis izabranom ponuđaču **“KODEKS“** d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluge održavanja biro i računarske opreme i rezervnih dijelova po lotovima broj: Su-08-02/21 od 27.01.2021. godine. Javna nabavka je provedena putem otvorenog postupka po lotovima broj: Su-08-08/21, a procijenjena ukupna vrijednost javne nabavke za LOT 3 - Održavanje računarske opreme i rezervni dijelovi je 6.800,00 KM bez PDV-a za jednu godinu, odnosno ukupno za 2 godine 13.600,00 KM bez PDV-a (zaključuje se okvirni sporazum na 2 godine). Obavještenje o nabavci objavljeno je na portalu javnih nabavki pod brojem 243-1-2-3-3-1/21 od 27.01.2021. godine sa tenderskom dokumentacijom.

Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge za LOT 3 - održavanje računarske opreme i rezervni dijelovi. Komisija je blagovremeno i pravilno izvršila javno otvaranje ponuda dana 17.02.2021. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da su blagovremeno pristigle dvije (2) ponude (KODEKS d.o.o. i ASPO RAIL d.o.o.); da nije bilo neblagovremeno zaprimljenih ponuda; i da su ponude ponuđača „KODEKS“ d.o.o. i „ASPO RAIL“ d.o.o. ocijenjene prihvatljive u skladu sa tenderskom dokumentacijom.


Za ovaj postupak je predviđena elektronska aukcija (e-aukcija) koja je zakazana za 22.02.2021. godine sa početkom u 12.00 sati i trajanjem od 30 minuta. E-aukcija je počela dana 22.02.2021. godine u 12.00 sati i završena je u 12.32 sati. Ponuđači KODEKS d.o.o. i ASPO RAIL d.o.o. su u toku e-aukcije podnosili nove cijene (nove ponude). Nakon završetka e-aukcije, kreiran je izvještaj o toku i završetku e-aukcije (početna i konačna rang lista ponuđača) i ponude su rangirane kako slijedi: prvorangirana je ponuda ponuđača KODEKS d.o.o. sa ponudnom cijenom od 6.650,00 KM bez PDV-a, a drugorangirana je ponuda ponuđača ASPO RAIL d.o.o. sa ponudnom cijenom od 6.670,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač „**KODEKS**“ d.o.o. Sarajevo izabran primjenjujući kriterij najniže cijene koja je ponuđena u iznosu od **6.650,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.



PREDSJEDNIK SUDA
Ranko Debevec